

卷之二

松峯說疫

序

憶余自幼時耳目之所覩記鮮見醫
而儒者也乃轉而思焉其凌替當不
至是使得克自振拔者出而一超其
衰應必有可觀者焉故余極欲留心
醫學每爲塾師所迫俾專工舉子業
而未遑及之第其所授之文寓目即
昏昏睡去摠不記憶間嘗取唐宋八

家以及諸名公真稿讀之一見輒能
成誦第期負過高自維取法乎上者
僅得乎中以此所爲文詞生生不能
趨時後松峯山人爲人言蘇舜留
括廼傳世之作似非利試而一試其
格以相從庶幾其有合乎
者予聞其言而是之乃改
克幸博一第第以揣摹人

心隨仍浸淫於古曰取諸子百家縱
觀之又念人有七尺之軀而不解岐
黃術終屬憾事遂將靈樞素難以及
歷代各家醫書羅列案頭日日展玩
第醫理元杳又係中年學步卒未能
深造其室唯論其文章好醜除經論
外惟李士材汪訥菴等筆墨稍覺可
觀餘者字句尙多有未能通順者遑

論其他乎乙巳夏山人出所著說疫
一書屬余弁言余非知醫者固不敢
強作解事第觀其全部文章理法俱
從左國史漢得來神而明之又自成
一子真乃才人之筆而詎可僅以醫
書目之乎能文之士取而讀之始信
吾言之不謬也是醫也而進於儒矣
是爲序

時

乾隆五十一年乙巳榴月眷姻

圃王樹孝書

松峯說疫目錄

卷之一

述古

卷之二

論治

卷之三

雜疫

卷之四

辨疑

目錄
卷之五

諸方

卷之六

運氣

松峯說疫卷之一

諸城劉奎松峯著輯

男劉秉錦濯西纂述

福山劉嗣宗南瑛叅閱

表姪李逢虔謹菴錄較

述古

刺法論帝曰余聞五疫之至皆相染易無問大小病狀相似不施救療如何可得不相移易者岐伯曰不相染者

正氣存內邪不可干避其毒氣天牝

天牝鼻也老子謂元牝之門毒氣從

鼻來可噓之

從來復得其往氣出於腦即不干邪氣出

於腦即先想心如日欲將入疫室先想青氣自肝而出

左行於東化作林木次想白氣自肺而出右行於西化作戈甲次想赤氣自心而出南行於上化作焰明次想黑氣自腎而出北行於下化作水次想黃氣自脾而出存於中央化作土五氣護身之畢以想頭上如北斗之煌煌然後可入疫室

陽明脉解篇帝曰病甚則棄衣而走登高而歌或至不食數口踰垣上屋所上之處皆非其素所能也病反能言何也岐伯曰四支者諸陽之本也陽盛則四支實實則能登高也帝曰棄衣而走者何也岐伯曰熱盛於身故

故伯曰陽氣則使八安三陽已不延疏疏而不欲食不

言言平皆和氣之盛也。和氣盛則成之政。盛陽之氣。故三言之病。由此矣。

熱論篇帝曰熱病已愈時有所遺者何也岐伯曰諸遺者

熱甚而強食之故有所遺也若此者皆病已衰而熱有

所藏因其谷氣相薄兩熱相合故有所遺也帝曰治遺

奈何岐伯曰視其虛實調其逆從可使必已也帝曰病

熱當何禁之岐伯曰病熱少愈食肉則復多食則遺此

此言病之所以遺者由於強食而有治之之方復有禁之之要也遺者病已愈而邪氣未盡衰

若有所遺而在也禁者禁於未遺之先也肉性熱而難化尤當禁也

評熱病論帝曰有病溫者汗出輒復熱而脉躁疾不爲汗

衰狂言不能食病名爲何岐伯曰病名陰陽文

陰陽之氣不分

別也交者死也帝曰願聞其說岐伯曰人所以汗出者皆

生於谷谷生於精今邪氣交爭於骨肉而得汗者是邪

却而精勝也精勝則當能食而不復熱復熱者邪氣也

汗者精氣也今汗出而輒復熱者是邪盛也不能食者

精無俾也

精氣不能使之食也

病而留者其壽可立而傾也且夫

熱病口汗出而脉尚躁盛者死今脉不與汗相應

脉躁疾不

為汗

此不勝其病也其死明矣狂言者是失志失志者

死今見三死

身熱不能食一也脉躁盛者二也狂言者三也

不見一生雖愈必

死也

靈樞熱病篇曰熱病已得汗出而脉尚躁喘且復熱勿刺

喘甚者死

又曰熱病已得汗而脉尚躁盛此陰脉之極也死

刺熱篇曰肝熱病者小便先黃腹痛多卧

肝經之脉環陰器抵少腹而上

故有

是症身熱熱爭

邪與正爭

則狂言及驚脇滿痛手足躁不得

安卧

肝經之脉從小腹上俠胃貫膈布脇肋循喉嚨之後絡舌本故見此症肝之病發為驚駭故病則驚

胃不和則卧不安木

庚辛甚

金尅木也

甲乙大汗

本經氣旺之日

逆則庚辛死

以其氣逆甚也上三句揔言其甚其死必以其氣逆甚也上三句揔言其甚其死必以其氣逆甚也上三句揔言其甚其死必

日後四

刺足厥陰少陽其逆則頭痛真真脉引衝頭也

肝經脉自舌本循喉嚨之後上出額與督脉會於巔故病氣逆則如是也真真者靡定也

松峯曰此專引經義刺法不贅

心熱病者先不樂數日

邪人經絡則神不安故不樂

乃熱熱爭則卒

心痛煩悶善嘔頭痛面赤無汗

心脉起於心中其支別者從心系上夾咽小腸

之脉直行者循咽下膈抵胃其支別者從缺盆循頭上頰至目外眦故兼見諸症心在液爲汗今病熱故無汗

以出

壬癸甚

尅丙丁大汗

旺氣

氣逆則壬癸死刺手少陰

太陽

脾熱病者先頭重煩痛煩心煩青欲嘔

胃脉起於鼻交頤中下循鼻外

人上爲中還出俠口環唇下交承漿却循頤後下廉出大迎過客主人循髮際至額顙故先頭重煩痛煩青也

脾之脉其支別者復循胃別上鬲注心中其直行者上鬲俠咽故煩心欲嘔也

身熱熱爭則腰

痛不可用俯仰腹滿泄兩頤痛

胃脉支別者起胃下口復腹裏下至氣街中而

合以下髀間氣街者腰之前故腰痛也脾脉入腹屬脾絡胃入胃之脉自交承漿却循頤後下廉出大迎循頤車故腹滿泄而兩頤痛也

申乙甚戊巳大汗氣逆則甲乙死刺足太

陰陽明

肺病熱者先淅然厥起毫毛惡風寒舌上黃

肺主皮毛熱中之則

先浙然惡風起毫毛也肺脉起於中焦下絡大腸還循胃口今肺熱入胃胃熱上升故舌上黃身熱熱

爭則喘欬痛走胃膺背不得太息頭痛不堪汗出而寒

肺居膈上氣主胃膺在變動爲欬背爲胃中之府故喘欬痛走胃膺不得太息肺之絡脉上會耳中今熱氣上薰故頭痛不堪汗出而寒丙丁甚庚辛大汗氣逆則丙丁死刺手太

陰陽明出血如豆立已

腎熱病者先腰痛

膀胱脉從肩髀內俠脊抵行 髀脊梁

痠苦渴數飲

筋音行痠音酸酸痛也腎脉自循內踝之後上腠內出腠內廉又直行者從腎上貫

肝入肝中循

身熱熱爭則項痛而強筋寒且酸足下熱

喉嚨俠舌本

不欲言

膀胱脉從腦出別下項腎脉起於小脘之下斜趨足心出於然骨之下循內踝之後別入距前

以上端內又其直行者從腎上貫肝
鬲入肺口循喉嚨俠舌本故見諸症
其逆則項痛眞眞

澹澹然戊巳甚王癸大汙氣逆則戊巳死刺足少陰太

陽
眞眞靡定也澹
澹無意味也

又曰肝熱病者左頰先赤心熱病者額先赤脾熱病者鼻

先赤肺熱病者右頰先赤腎熱病者頤先赤病雖未發

見赤色者刺之名曰治未病
以面之部
位應五臟

又曰治諸熱病以飲之寒水乃刺之必寒衣之居此寒處

身寒
熱退身
涼也而止也
乃可以
止針

余曾見一小兒患瘟熱邪深重棄衣而走晝夜靡寧